




早稲田大学図書館
文書 27
E 113
5



養浩堂詩集卷五

明前米澤宮島誠一郎受書 著

○ ○ 戊辰正月十五日 送小森長政從者王上杉

霜臺公官拜正四位下將發米澤趨京師

大旗西去指京城一死高名孰重輕喜汝忠肝堅似

鐵瀟山風雪護典行

黃公度曰七字有神矣

○ 正月二十三日 奉米澤藩主上杉中將公命

尋常師二十九日 初定則中位雖九月間

有本主人

養浩堂詩集卷五

羽前米澤宮島誠一郎栗香 著

○○ 戊辰正月十五日。送小森長政澤從藩主上杉

霜臺公

官彈正大弼名齊憲正四位下中將

發米澤趨京師。

大旗西去指京城。一死高名孰重輕。喜汝忠肝堅似鐵。滿山風雪護輿行。

黃公度曰七字有神爽爽

○ 正月二十三日。奉米澤藩主上杉中將公命。

赴京師。二十九日。泊武州千住驛。此夕雨。賦

示松本柔克。

辭鄉日夜苦兼程。王事忽忽奈遠征。此夕來投仙壽

驛。卧聞春雨灑花聲。邦音千住
仙壽相通。

公度曰。別有不可思議功德。釋氏所謂從耳根
來者。

沈梅史曰。鳥逸。

二月七日飲五明亭。亭在薩
埵嶺下。

得意呼杯興奈何。五明亭畔四回過。此間風景我能
記。萬仞芙蓉千頃波。

梅史曰。兼度鮑之勝。

○二月十四日發官驛到來名

蓬窓受雨忽還晴。頭上片雲如有聲。七里灘高風浪

急。舟人喜報到來名。

梅史曰。二十八字。寫得世路艱難之狀。含蓄不
盡。

張魯生曰。有情有景。

○○○○二月十八日入京師。寓清水成就院。癸亥歲

文久
三年寓此。屈指七年矣。

禪房花落雨聲寒。一穗春燈夜向闌。冷眼看來七年
事。人間到底幾波瀾。

公度曰。觸境移情。何等慨想。蓋是年為戊辰矣。
梅史曰。無限情事。無限閱歷。藏裏廻翔於二十
八字中。
王紫詮曰。此七年中。局面大改。故不禁感慨繫
之矣。

○三月二十二日成就院夜雨示松本柔克
身宿清山似野僧。澹然心與水同澄。此間無復烟花
夢。春雨蕭蕭對佛燈。

魯生曰與半間雲住在象僧之句同其閑雅

○三月二十三日與賴支峰飲三樹月波樓
餘寒脈脈雨如絲。且喜今春芳事遲。吟屐尋來江上
路。好花開到晚櫻枝。

魯生曰搖曳得神

○三月二十四日到浪華舟中囑目

殘星點水夜如何。十里長江夢裏過。舟近櫻官天欲

曙。滿川花影漾春波。

公度曰神來之筆

○浪華寓居余時有隱憂

昨醉南洲今北洲。煙花看遍獨登樓。如何浩浩華江
水。不洗吾儂一掬愁。

魯生曰一腔離愁余更有感焉

○二

一緒情懷無所酬。人間何地散幽愁。夢中昨夜桃源
水。月白花明棹小舟。

梅史曰是幽情是真景唯詩人有此夢境能寫
成詩境

又曰人生鹿鹿在天地間不知究為何事每靜
坐不覺失笑所云夢境誠然會當掉舟與蘇子
瞻共參之

○閏四月發北陸道過加州有作

栗柄峰頭望欲迷。山城隱見是金溪。薰風四月加州
路。十里蟬聲送馬蹄。

梅史曰送字覺蟬聲有情
魯生曰句法自然不加斧鑿

○閏四月十九日自米澤到與州白石時與羽

諸藩老臣會議白石曰春來屢

奏聞事情中途壅塞不達

朝廷不如訴之干戈遂合從余不堪慨然賦

示諸藩士

掌握東州兵馬權。奮將威武欲回天。同盟須守尊王
節。一卷春秋義凜然。

○五月與羽二十四藩奏議書成藩主上杉中

將公使誠一郎代諸藩上京

奏聞二十六日發仙臺諸藩老臣送我到寒

風澤賦之以別

一死酬恩果奈何。不須慷慨唱悲歌。別時相見悄無
語。寒水蕭蕭風澤波。

公度曰蒼涼壯激
梅史曰至誠之語果泣鬼神

○○○七月二十九日過遠州灘遇颶。瀛船殆覆沒。
遠州七十五長灘回首茫茫不見山。萬丈波濤船出。
沒海風吹雨打人顏。

公度曰神似東坡望湖樓下水如天之作
又曰顏字客未恰好易頭字壓尤韻何如

○○○八月十日入京到

闕下密奏

旌旗杳杳捲乾坤。隻手排難志獨存。詎惜微軀葬馬
革。要將忠憤答鴻恩。二州與兵氣蒼生苦。萬里浮雲
白日昏。一片丹心憂國淚。封書密奏九重門。

公度曰傑作。馬革鴻恩對似落小家數。
梅史曰慷慨激烈。濟民之氣象。溢於紙表。
紫詮曰忠憤之氣溢於言表。

○○○八月十四日夜舟下浞川

孤蓬露冷客眠愁。兩岸蘆花澹水秋。曉煙籠月茫無
影。鳴鴈一聲何處洲。

梅史曰佳作。中含無限感慨。
決曰客況依然。

○○○中秋潛伏兵庫此日大風雨

千里離家滯攝州。何知今夜是中秋。陰雲鎖月濤聲
惡。風雨蕭蕭灑海樓。

梅史曰海絕使人欲哭筆筆有神

○九月十二日歸米澤此行也實萬死得一生
可謂天幸

萬艱幸得一身全歸到家山喜欲顛先拜慈顏先喚
酒園中草木亦欣然

梅史曰讀之不勝雀躍

○從藩主上杉曦山公上東京餞歲于三緣山
淨雲院

萍蹤千里遠離家奔走風塵鬢欲華猶喜殘年將盡
日禪房呼酒見梅花

公度曰尋常景能作佳語筆妙故也

半世光陰久別家何堪書劍滯天涯今宵三十一年
盡又見春風客裏花

梅史曰寫盡客況

○己巳元旦三緣山訪僧差遣

新春先訪老僧家一笑相迎且試茶半日談詩忘世
味尋師猶勝去尋花

公度曰意妙詞新
又曰猶勝二字換好過則於拙樸中見風趣
梅史曰逸境

○二月朔日白銀邸幽居呈海舟勝先生

料峭春寒花未開。滿懷幽恨且銜杯。東風一掬傷心淚。灑向江城作雨來。

公度曰急澣而筆起
梅史曰悽婉欲絕

江湖雜詠

憂家憂國亦徒為。一片丹心唯自知。痛飲紅樓今夜酒。雨聲和淚灑花枝。

公度曰善於運筆故無陳不新

二

動為邦家起杞憂。飄然一去放扁舟。夕陽紅漾花川水。載得絃歌自在流。

公度曰似宋人小詩詩中有畫信然
魯生曰絕妙遊情筆有餘妍

庚午三月過白川有感

二首係
歸省作

馬蹄曉度奧州山。憶昨兵塵行路艱。今日櫻花花正好。春風不鎖白河關。

柏壁驛曉發

破窓燈火雨蕭然。喔喔荒鷄欲曉天。聊向藍輿續殘夢。穩於昨夜濕牀眠。

公度曰南宋江湖派最工此種詩其用意都在
半雅半俗間其出筆皆不捨人慧
梅史曰得情

余拜待詔院學士命

六月水谷街移居市廛櫛比車馬喧闐不堪

紛擾余所寓園庭僅一畝猶栽花竹賦以自

慰

在官猶似在山林移竹栽花趣更深門外紅塵高十丈曾無一點污吾心

梅史曰君有仙骨不染紅塵

○太政大臣三條梨堂公招飲賦呈

多病身猶在大憂死不休寸心明似火千載照神州

公度曰二十字正氣凜然

和人落第詩二絕

落魄江湖又一年曉風殘月恨相牽自知才拙不容

世枉伴名花放釣船

魯生曰有范蠡載西施泛五湖之風

鬢邊猶未理嬌雲別淚灑花情緒紛十二紅樓春月曉杜鵑聲裏切思君

辛未三月有感

余時辭彈正臺職

苦吟身與老梅癯俯仰乾坤笑我愚今日始知春色好煙花風柳滿皇都

○癸酉八月余官左院政府新賜避暑之暇仍

挈妻兒浴豆州熱海溫泉

挈家來浴豆南村憶昨朝堂炎暑繁得賜一句強半

暇洗病熱海是天恩

○甲戌八月十八日柳橋咄咄樓看月示松岡毅軒

隣樓絲管酒如澗。獨倚欄干待月升。此際會心誰解得不呼歌妓不呼燈。

公度曰若第三句不說破別下一語則下七字有味
梅史曰文人雅致

甲戌十月十六日淺草百花園買報歲蘭價百金

一草千金買亦奇。性之所嗜竟成痴。芬芳幾歲埋幽谷。纔托吾儂天下知。

○乙亥四月十一日訪伊地知參議麻布一柳邸遂相共到廣尾笑花園

微風吹帽恰春晴。廣尾原頭相伴行。一笑看花花亦笑。名園不負笑花名。

梅史曰得巡簷索笑之趣

○青來閣閑居答甲東大久保參議時會左院廢

隨意適爲林壑遊。避他熱地入清幽。由來身跡比何

物○雲○自○無○心○水○自○流○

梅史曰幽閑自在

○七月十三日久雨放晴高崎星岡來飲

愁○霖○纔○霽○喜○無○涯○滿○屋○清○風○竹○影○斜○半○夜○笑○談○人○對○酒○月○光○照○上○合○歡○花○

公度曰纖仄有致

○十月送秋月韋軒歸會津和其韻

進○取○功○名○事○亦○難○一○竿○何○日○向○江○干○羨○君○早○決○歸○漁○計○鱸○味○秋○風○不○戀○官○

梅史曰絕妙好辭

○丙子正月十日十一日大雪

三○日○雪○深○門○不○開○爐○頭○撥○火○暖○新○醅○此○間○試○把○瓶○梅○認○春○自○名○花○香○裏○來○

公度曰妙機其微
梅史曰後二語有禪理

○夜雨

黑○雲○籠○月○夜○微○明○琴○筑○繞○檐○鳴○有○聲○起○坐○挑○燈○花○氣○暖○釀○春○好○雨○灑○深○更○

梅史曰溫厚

○三月十一日杉田村觀梅偶然會者數十名
相○携○飲○香○雲○亭○和○北○澤○子○進○韻○

二十四日行鴻巢熊谷間左右顧眄山色甚佳

雨後雲烟瞥眼過此間風物果如何赤城鬢髮皆明媚山近上毛姿態多

磐溪曰宛然高崎道中真景
梅史曰不俗

宿新町

暮雲收雨月如弦十里川原望渺然佇立橋頭心目曠群峰飛勢欲衝天

梅史曰奇景卻能寫出是筆妙
魯生曰筆勢凌雲

新町驛樓望毛信諸山

妙義巖高似怒龍淺間矗立儼儀容峰峰競秀青天外更有奇雲起一峰

公度曰筆亦奇起一峰
梅史曰個個
魯生曰筆鋒犀利

二十五日赴富岡途中矚目

蠶事功成七月時自欣民產日繁滋索索繰車如急雨滿村兒女製新絲

磐溪曰如讀石湖田園餘興
梅史曰名臣心事聲響亦古
魯生曰幽風遺韻

富岡觀製絲場

詩莊雅而有逸致詩如其人也欽羨之至
庚辰秋七月八日於養浩堂記

